

# **BEARTAS CHUN DOCHTÚIREACHTAÍ OINIGH OLLSCOIL LUIMNIGH A DHÁMHACHTAIN**

***Arna cheadú ag an Údarás Ceannais  
Samhain 2005***

# BEARTAS CHUN DOCHTÚIREACHTAÍ OINIGH OLLSCOIL LUIMNIGH A BHRONNADH

## 1. Réamhrá

- 1.1 Cheadaigh an tÚdarás Ceannais an beartas seo a leanas ag cruinniú M00-5 a tionóladh an 27 Meitheamh 2000. Rinne an tÚdarás athleasú air i Samhain 2003 chun socrú a dhéanamh chun an próiseas ceadaithe, chun Dochtúireachtaí Oinigh de chuid na hOllscoile a dhámhachtain, a dhéanamh níos gasta in imthosca eisceachtúla.

## 2. Cúlra Dlí

- 2.1 Tugtar le halt 27.2(f) d'Acht na nOllscoileanna, 1997, údarás don Ollscoil  
*“moltaí a dhéanamh maidir le hánrachaí, scoláireachtaí, sparánachtaí, duaiseanna nó dámhachtainí eile a dhámhachtain”.*

## 3. Treoirlínte Ginearálta

- 3.1 Ba chóir iarrthóirí le haghaidh dámhachtain Dochtúireachtaí Oinigh a roghnú ionas go dtugtar gradam do na hiarrthóirí is mó a thuill é agus nach ndéantar díluacháil ar dhámhachtainí gradamúla den sórt sin.

## 4. Earnálacha

- 4.1 Ba chóir ainmniúcháin le haghaidh Dochtúireachtaí Oinigh a bheith bunaithe ar cheann amháin nó níos mó díobh seo a leanas:
  - Gradam Acadúil;
  - Éacht Eisceachtúil;
  - Sársheirbhís don Ollscoil.

## 5. Critéir

- 5.1 Ba chóir na critéir seo a leanas a bheith infheidhme le linn ainmnithigh le haghaidh Dochtúireachtaí Oinigh a bhreithniú:
  - (i) Ba chóir éacht agus fiúntas pearsanta a bheith mar phríomhchritéir.
  - (ii) Ba chóir an chéim a dhámhachtain ar dhaoine mór le rá sna healaíona, sna heolaíochtaí, sa ghnó, sa tionscal, sna gairmeacha, sa spórt, sa tseirbhís shóisialta agus phoiblí go náisiúnta nó go hidirnáisiúnta.
  - (iii) Tá sé inmhianaithe go mbeidh baint éigin ag iarrthóirí le hÉirinn agus/nó le hOllscoil Luimnigh.
  - (iv) Déanfar iarrthóirí a roghnú ag féachaint go cuí do na prionsabail arb éard iad cuimsiú sóisialta agus cothromaíocht inscne.

- (v) Níor chóir céimeanna oinigh a bhronnadh ar dhuine d'aontoisc ar bhonn tabhartas d'aon chineál arna ndéanamh leis an Ollscoil.
- (vi) Níor chóir céimeanna oinigh a bhronnadh ar phearsana aonair atá ag gabháil go gníomhach don pholaitíocht nó don tseirbhís phoiblí in Éirinn le linn dóibh a bheith ag gabháil don chéanna amhlaidh.
- (vii) Níor chóir céimeanna oinigh a bhronnadh ar dhuine le linn an duine sin a bheith ina bhall nó ina ball d'fhoireann teagaisc, d'fhoireann nó d'Údarás Ceannais na hOllscoile.

## 6. Teideal na nDámhachtainí

### 6.1 Céimeanna atá le dámhachtain:

Dochtúir Eolaíochta Eacnamaíochta (D.Econ.Sc) -	<i>honoris causa</i>
Dochtúir Innealtóireachta (D. Eng) -	<i>honoris causa</i>
Dochtúir Dlíthe (LL.D.) -	<i>honoris causa</i>
Dochtúir Léinn (D.Litt.) -	<i>honoris causa</i>
Dochtúir Eolaíochta (D.Sc.) -	<i>honoris causa.</i>

## 7. Líon na nDámhachtainí

- 7.1 Níor chóir de ghnáth gur mhó líon na ndámhachtainí ná ceithre cinn in aon bhliain féilire. D'fhéadfaí níos lú ná sin a dhámhachtain blianta áirithe. Ba chóir cothromaíocht idir na disciplíní éagsúla a bhaint amach thar thréimhse ama.

## 8. Próiseas

- 8.1 Déanfaidh comhchoiste a bheidh comhdhéanta den Údarás Ceannais agus den Chomhairle Acadúil, agus ar a dtabharfar "an Comhchoiste um Dhochtúireachtaí Oinigh", breithniú ar ainmniúcháin le haghaidh dámhachtainí Dochtúireachtaí Oinigh, agus is iad seo a leanas a bheidh ar an gcoiste sin:

An Seansailéir (Cathaoirleach)  
Beirt ainmnitheach ón Údarás Ceannais  
Beirt ainmnitheach ón gComhairle Acadúil  
An tUachtarán  
An Cláraitheoir & Rúnaí Corparáideach.

- 8.2 Iarrfar ar bhaill den Údarás Ceannais agus den Chomhairle Acadúil ainmneacha iarrthóirí a chur isteach gach bliain féilire lena mbreithniú ag an gCoiste um Dhochtúireachtaí Oinigh.
- 8.3 Breithneoidh an Coiste um Dhochtúireachtaí Oinigh freisin ainmniúcháin a gheofar ón gCampas agus ón bpobal trí chéile.

- 8.4 Déanfar an rúndacht a urramú go cruinn. Ní chuirfear an t-ainmnitheach ar an eolas maidir leis an togra.
- 8.5 Breithneoidh an Chomhairle Acadúil moltaí ón gComhchoiste um Dhochtúireachtaí Oinigh. Cuirfidh an Comhchoiste um Dhochtúireachtaí Oinigh moladh ansin faoi bhráid an Údaráis Ceannais lena cheadú.
- 8.6 Níor chóir de ghnáth céimeanna oinigh a bhronnadh *in absentia*.
- 8.7 Níor chóir céimeanna oinigh a bhronnadh in áit seachas ar an gcampas ach amháin in imthosca eisceachtúla.
- 8.8 Beidh formáid Searmanas Bronnta leagtha amach i Nósanna Imeachta Coimhdeacha.

## **9. Próiseas Ceadaithe Dochtúireachtaí Oinigh a Dhéanamh níos Gasta**

- 9.1 Chomh maith le cloí leis na critéir chun Dochtúireacht Oinigh a dhámhachtain atá leagtha amach i Roinn 5 thuas, beidh an próiseas ceadaithe Dochtúireachtaí Oinigh níos gasta mar a leanas infheidhme in imthosca eisceachtúla:
- Déanfaidh an Seansailéir, tar éis dul i gcomhairle leis an Uachtarán, cruinniú éigeandála de Chomhchoiste an Údaráis Ceannais/na Comhairle Acadúla um Dhochtúireachtaí Oinigh a thionól. I gcás nach bhfuil baill den Choiste ar fáil chun freastal ar an gcruinniú faoi ghearrfhógra, ansin déanfar an t-ainmniúchán le haghaidh dámhachtain Dochtúireachta Oinigh a scaipeadh ar bhaill den Choiste agus déanfar breithniú ar thuairimí na mball a ghabháil de láimh ar an teileafón.
  - I gcás ina gcomhaontóidh na baill den Choiste gur chóir Dochtúireacht Oinigh a dhámhachtain, ansin déanfaidh an Seansailéir, tar éis dul i gcomhairle leis an Uachtarán, dámhachtain na Dochtúireachta Oinigh a cheadú.
  - Cuirfear litir chuig na baill den Chomhairle Acadúil agus den Údarás Ceannais láithreach á chur in iúl dóibh an cinneadh chun Dochtúireacht Oinigh a dhámhachtain. Glacfar nóta maidir leis an gcinneadh i miontuairiscí na gcruinnithe den Chomhairle Acadúil agus den Údarás Ceannais a bheidh ann ina dhiaidh sin.